

籌辦夷務始末

卷三十七之三十八

籌辦夷務始末卷之三十七

道光二十一年。辛丑。十月。辛巳。

諭軍機大臣等。盛京直隸各海口。前經該將軍總督妥為布置。想已周密。惟思。喚夷乘船近岸滋擾。船之大小不一。總視水之深淺以為進退。即如鎮海甯波等處。該夷皆先用火輪船測量水勢。是該夷何項船隻能到海岸。可以測水而知。盛京直隸山海关各處。所轄海口甚多。水之深淺不一。該夷兵船最大。其次如杉板火輪等船。何項喚水若干。諒該將軍總督早已諮詢得實。著即派委明幹妥員。各就海口近岸水勢。詳細測量。何處深淺。何項船隻可以擺岸。何項船隻祇能離岸若干遠近。不能直逼。

口岸。其海潮增長之時。水勢深淺。均著一併查明。繪圖貼說。據實具奏。又各海口情形不一。或灘或沙。或洲或島。或居民屋宇。或曠遠地面。何處最為險要。應如何設法勦禦之處。亦著詳細查明附奏。將此各諭令知之。

直隸總督訥爾經額奏。竊臣於本月二十三日。承准軍機大臣字寄。道光二十一年九月二十二日奉

上諭。訥爾經額屢次奏天津設兵防堵情形。知己布置周密。足以禦敵。惟北塘一帶。甚為虛念等因。欽此。臣疊奉

聖諭。稔知逆嘆沿海滋擾。狡猾百出。歷將天津之大沽。甯河之北塘。以及滄州鹽山。豐潤樂亭等州縣。凡濱海之處。籌辦防

堵事宜。隨時奏請

訓示。無論大小海口。均不敢稍有疏虞。茲蒙  
諭北塘一帶。甚為廑念。尤見

宵旰勤勞。靡有遺慮。臣益深悚惕。恐無以仰副

聖諭。伏思用兵之道。在於先得地勢。如直隸近海情形。一概平行。

並無險要。防夷之法。惟有先防海口。使其不能登岸。方操

勝算。北塘南北兩岸。舊有礮臺遺址。傳係前明備倭而設。距

擋江沙三十餘里。外海內河。沙埂隱伏水中。縱橫約皆三

四里。其河通海門之處。曲折逶迤。非可直達。故閩廣洋船。

以其難行。不到彼處。本省商船。出入俱插標記。以防擋淺。

與定海等處。逼近大海者不同。自礮臺外。測量水勢。其近  
攔江沙處約十里之遠。河水漸淺。沙灘漲寬。該夷火輪船。  
非乘潮不能入河。且每日潮長。必歷三時始滿。潮長足即  
退。夷船必不敢留。亦非同定海等處。可以鏖戰六晝夜之  
久。實有地利可守。是以前於河內裝石沈船。密釘木椿。以  
及木筏鐵鎖蒺藜。設伏五層。皆因地設險。以阻制其船。使  
之不得近岸。若重兵大破。不於此處固守。令其越過礮臺。  
則水深灘窄。可以連檣直進。一切火器。俱得從容搬運上  
岸。後路又皆零星村落。不惟無高阜坡陀。深林密箐。即小  
岡樹木。亦較稀少。難以設礮藏兵。以為抄襲夾攻地步。地

勢平曠。必至處處分竄。我兵即須處處防堵。少則不濟於事。多則無此兵力。近

畿重地。若使尺寸有失。為患匪輕。至北塘鋪戶居民。共有八千餘家。其有力者以海船販糧為業。窮民則以撐船捕魚糊口。均係靠海營生。若令他徙。無業可歸。其鋪戶間有客民。亦已在彼多年。安土重遷。且愚民易惑。此時逆夷未來。驟聞此論。必致疑懼。尤恐動搖人心。前經勸諭團練。尚皆感奮樂從。似亦不必令其遷避。以臣體察情形。固守海口。實為切要之計。查北塘南北兩岸。礮臺分設大礮。專以擊河心之船。土壩分設小礮。可以擊近灘之船。今復於設伏

處所。木筏之上。排列小礮。以為前鋒。使夷船未到埋伏之地。即可轟擊。其附近礮臺之處。亦酌量安設小礮。以防登岸。並於後路新河。螺頭沽等處。分兵屯營。以為接應。至該夷用船載礮而來。非同廈門定海。可以近岸排列者比。我有萬斤八千斤大礮。連環轟擊。必不能令其得手。且河心設伏。即小船亦不能衝突而進。至礮臺之上。已疊堆土袋。又有籐牌絮棚。足以避其遠來之礮子。礮臺之下。土埝土壘。皆所以障蔽岸臺。令該夷礮無所逞。自可相勢攻剿。如其冒死前進。土壘之內。以及各後路。皆伏有重兵。槍礮齊發。亦足以制其命。總之大沽北塘兩處。最為海口扼要。祇

可於後路籌畫接應。不可於前路有意退讓。臣是以致効  
河心。必使夷船不能直衝抵岸。正為此也。再臣因提臣胡  
超。久歷戎行。用兵機宜。自所深悉。令其帶同天津鎮陳金  
綬。前往北塘察看水陸。及各後路安置事宜。據稱宣化鎮  
石生玉在彼防守。尚屬嚴密。似可仰慰。

聖懷。

諭軍機大臣等。訥爾經額奏籌議海口情形一摺。據奏北塘南北  
兩岸。業已因地設險。居民可無遷避。後路亦有接應。官兵皆有  
障蔽。並經胡超帶同陳金綬。前往察看。知石生玉防守嚴密等  
情。布置尚為周妥。朕心甚慰。現屆北風司令。逆船未必即來。一

切防守事宜。正須先時籌辦。免致臨事周章。仍著訥爾經額相度形勢。慎密防堵。如有夷船駛進口岸。即照所畫機宜。痛加勦洗。務有以制其死命。儻該夷竟敢紛紛登岸。又將作何准備。仍當先事豫籌。不可稍存大意。是為至要。

楊威將軍奕經奏竊拏於九月十六日由京起程行至直隸景州途次接准軍機大臣奉

旨鈔寄浙江巡撫劉韻珂提督余步雲奏摺各一件。拏接閱之下。知余步雲現在退守上虞。尚無賊勢出擾情形。又於二十五日在山東泰安府途次。承准軍機大臣字寄道光二十

一年九月二十三日奉

上諭。據劉韻珂奏。籌設糧臺。並趕鑄礮位。以資攻勦等語。現在夷務火器為先。所需礮位。前已有旨令江蘇。浙江。江西。鑄造分撥。本日又降旨飭令劉韻珂趕緊鑄造礮位。及撞礮。撞槍應用。惟據查。壽春鎮兵丁。祇有弓箭。旗牌。現在適用火器。長矛甚少。著奕經等酌量在沿途地方調取。以資應用。至糧臺視大營為進止。俟該將軍行抵江蘇。仍遵前旨。酌量分設等因。欽此。伏思軍餉首重糧臺。必須安設得宜。方期有濟。昨閱劉韻珂奏稱。在杭州省城。及紹興。業已設有分局總局。並將銀兩留貯江蘇。惟大軍駐紮。自應因地制宜。其安設糧臺。誠如聖諭。視大營為進止。俟發行抵江蘇。與督臣牛鑑等。詳細酌定。應

如何分設之處。再行具奏。至應需大小礮位。及檣礮撞槍。  
拏前於途次已飛咨江西安徽等省。查明舊存可以撥用  
若干。新製若干。其斤兩準頭若何。先行造冊聲明。聽候指  
調。現尚未據咨覆。拏又於飭催湖北河南二省兵丁丈內。  
令其按照兵數。酌帶撞礮。以備應用。並行催貴州總兵段  
永福及四川弁兵。迅速前進。一面行知參贊大臣特依順。  
亦即順流直下。會齊面商辦理。統計現調赴浙兵數。除已  
到者。均由該撫分撥防守。其未到者。係湖北河南四川三  
省。共計兵四千名。拏本擬到浙後。查明所餘礮位。分別應  
用。乃查閱此次奉

旨。鈔錄浙江巡撫劉韻珂奏摺。始知浙江所存礮位。幾至全無。伏查摧敵制勝。火器為先。該撫雖稱現在招募工匠鑄造。誠恐未能猝辦。且拏所查鄰省礮位。是否可用。尚難預定。江蘇山東又皆海濱。未便調取。拏向聞山西陝西。擡礮擡槍。最稱利用。核其程途。亦不甚遠。應請每省酌調擡礮擡槍二百桿。每桿酌派兵丁二三名。委員管帶。迅速赴浙。較為得力。又拏行過山東。途次聞得濟南城守營參將托金泰。在登州創造三輪車礮。每車千斤大礮一尊。三百斤小礮二尊。其形細長。力能及遠。準頭亦好。水陸運轉。施放輕便。拏隨索取車礮小式樣。閱看極其靈便。可用。山東籌備防

守一年有餘。諒已鼓鑄齊備。現在浙省造鑄乏人。應請將參將托全奉調赴浙江。即令帶領熟習工匠。承鑄礮位。於軍務實有裨益。再河南素產白蠟。長矛。應由弩谷取相。請

請

旨飭下山東。山西。陝西。各巡撫。迅速分派前往。努仍一面先行知

照。

諭軍機大臣等。共經奏酌。撥擡礮。及沿途辦理情形一摺。覽奏均悉。前因浙江省現存礮位。及擡礮擡槍甚少。令共經等在沿地方。酌量調取。茲據該將軍奏稱。應需大小礮位等項。已咨行江西。安徽等省。查明聽調。並飭湖北。河南兵丁。酌帶備用。其所

請於山西陝西酌調擡礮擡槍。河南調取白蠟長矛。並請將山東參將托金泰調赴浙江帶領工匠承鑄礮位。均已由六百里諭令各該督撫迅速分派前往矣。至大軍駐紮糧臺應如何分設之處。俟行抵江蘇與督臣牛鑑詳細酌定。均著照所議辦理。

又

諭。本日據喪經奏山西陝西擡礮擡槍最稱利用。請每省酌調二百桿。每桿酌派兵丁二三人委員管帶赴浙應用等語。著楊國楨於山西省挑選擡礮擡槍二百桿委員迅速解浙毋誤要需至陝西省前已調兵二千名所帶器械諒已不少著富呢揚阿察看陝西現存擡礮擡槍如足數調用即著由陝西委員徑解。

浙江軍營。程途較可捷速。儻不敷撥解。即著恩特亨額。於甘肅省所存擡礮擡槍。一併挑選。務足二百桿之數。迅速解浙應用。將此由六百里各諭令知之。

又

諭。現在浙江勦辦逆夷。需用長矛。必應寬為籌備。河南素產白蠟長矛。著鄂順安選取數百桿。派委妥員。迅速解赴浙江軍營應用。毋稍遲誤。

又

諭。本日據奕經奏。山東濟南城守營參將托金泰在登州創造三輪車礮。靈便可用。現在浙江應需如式製造。著托渾布飭令該

參將帶領熟習工匠。迅速馳赴浙江軍營。聽候差委。毋稍遲誤。

靖逆將軍夾山參贊大臣齊慎。兩廣總督祁墳。奏等准  
浙江撫臣劉韻珂。咨稱逆夷自八月十六日。攻打定海。二  
十一日失守等語。等查來。沿係由陸路抄後。腹背受敵。  
遂致不支。又前接

欽差大臣裕謙來。囑令等乘虛奪取香港。搗其巢穴。又兩省  
當事諸臣。以廈門定海之失。歸咎於廣東之清還商欠。等  
等辦理不善。百喙難辭。何敢再行申訴。但前後實在情形。  
非目睹身受者。不能周知。等夾山臣祁墳到粵時。虎門內  
外。礮械無存。弁兵失散。省河要隘。為賊所扼。直逼城下。逆

夷立待還其商久。准予通商。一言不決。即行滋事。爾時攻  
守無具。譬盜入室。環立榻前。拒之不得。況能起捕。然拏等  
以不戰不能息兵。臺承

嚴諭。何敢依違觀望。遂激勵兵勇。焚燒其船。開仗攻擊。相持五晝  
夜。嗣緣逆夷冒死登岸。襲我後路。聲言求和息兵。數日來  
礮響震天。火尤偏地。漢奸在藥局放火。勢將內變。城內居  
民痛哭。呈懇罷戰。爾時拏等已辨一死。與城俱忘。伏念  
恩深權重。負荷匪輕。儻省城有失。全粵瓦解。不但數百萬生靈。同  
遭大劫。而恢復海疆。恐千百萬糧餉。不能濟事。是以拏等  
再四熟商。徒死無益。故不避重譴。冒昧入奏。請